

海

秋

詩

集

海秋詩集卷之七

益陽湯鵬海秋撰

五言古詩

秋懷九十一首

兀坐夫何爲。起行步庭隈。白露霑我裳。明月照我杯。杜
康去不返。麴蘖理已非。佐歡歡苦少。送愁愁不開。感激
墜新淚。磨滅餘舊懷。咄咄汝秋風。爲我從西來。

離離堦下蘭。颯颯堂前柳。枯枝霜易欺。敗葉雲難守。天
時屢遷移。我志良永久。俛仰身世間。萬事無不有。羈旅

積窮愁聰明混瑕垢。一剛而一柔。此理誰當剖。

秋聲何烈烈。秋色何漫漫。蟲嘶機杼雜。螢颺梧楸寒。昔時桃李華。今日蓬飛翻。搖落雖自然。可愧復可歎。所以賢達士。汲汲崇本根。南山有松柏。千載相盤桓。

枯蟬聲易哀。吟客心易愴。秋物已蕭森。我悲方迭盪。甲古增百憂。覽今森萬狀。緒兼屈宋繁。筆挾曹劉壯。危言悚鬼神。高歌媿蓬閣。雖畏青蠅飛。還工白雪唱。物博貴能搜。理沉一以放。但恐泯默死。古調誰其創。

漼漼霜滿庭。翳翳月沈閣。古歡亮難伸。孤念竟何著。歲

華難挽留人事易迂錯番怪壯年非不及少年樂

少年誦詩書一日一萬言騁此青鑱筆寫爲白雲篇班
揚爲我後孔孟爲我前志大亮不塞興深夫已堅雷霆
鞭苦心風霜鍊孤妍離離齒髮變鬱鬱寒暑遷故吾有
智慧今吾有悔愆及茲不努力老醜無人憐

讀書患不博用世患不詳真心觀古往匪徒以文章周
公說禮樂作相何堂堂仲尼用於魯齊返其侵疆韓愈
稍見道論佛排天閭蘇軾雖嘲謔新法懸否臧忠義耿
至性丰稜懾奸腸攬衣吾如何秋夜起徬徨

天用莫如龍地用莫如馬三古多聖賢萬物歸陶冶哀哉豎儒子炯炯抱騷雅了無補與救時論濫推假登高望八荒飛鳥何爲者路長羽翼短日暮涕橫下

卑卑野田雀不知雲路翔男兒厭趨趨事業安可量夔龍亦吾徒管樂固士常慷慨登前途諭高心愈傷甯爲人所嫉母爲人所忘滄溟駕飛舟何時就徜徉

白日不受霧奇士不受塵以此人中鶴來畫閣上麟衛霍俱倒屣蕭朱亦結鄰名高固其分利啖安足云梧桐生百尺其下風紛紛衆女嫉蛾眉謠詠傷其真坐收鴻

鵠志反。謝鶴鷄羣哀哉。吾道難。柄鑿非所論。
鮮鮮籬下菊。濯濯晚中蘭。蘭菊豈不好。持贈反成患。託
身一失所。爲鴛爲鸞已矣。夫何言千載含悲酸。

妾本名家女生。小人不識的。的珊瑚姿。嫋嫋芙蓉色。十
歲工語言。十三能組織。十六爲君妻。巾櫛有典則。妾如
河漢水。清波長古今。君如馬牛風。來去不關心。但悅妾
顏好。不察妾情深。徘徊難久恃。愀愴安可任。

閉門量車轍。不知道里長。憶妾未嫁時。聞君有令望。貞
如松。與柏潔若圭。與璋執巾入君家。擾擾何攘攘。不見

賢豪流但逐輕薄郎。挾彈必雙飛。賭酒無後償。黃金委
泥沙。一擲百萬強。花浮開落頻。物狎是非妨。及今不慎。
旃。妾。心。愁。未。央。

霜急衣。裳破。讒深情。好衰君。心與妾。心流水。爲律。徇。清。
流。人。所。喜。濁。流。人。所。哀。鶯。黃。一。問。亂。燕。婉。成。嫌。猜。不。怨。
人。間。世。但。憾。妾。命。乖。去。去。死。道。旁。棄。婦。如。塵。埃。

且。且。治。酒。食。暮。暮。裁。羅。綺。有。才。不。爲。憐。長。戚。一。何。鄙。且。
隨。分。所。置。牽。蘿。茅。屋。裡。妾。非。古。井。波。能。伏。亦。能。起。不。見。
桃。李。華。秋。衰。春。更。美。往。者。吾。無。云。來。者。吾。曷。已。豁。然。悔。

悟。開。可。以。相。終。始。

誰謂藍田玉不及薪與樵誰謂名家女不及妖與媯妖
媯如桃花攜手心蕩搖紫鸞爲吹噓青蠅爲矜驕直絃
與曲鉤君子長混淆新人日已媚故人日已焦新人會
有故秋風變蘭茗物理可窮推我生甯獨勞

憶昔蓬篚姿不識女與牛父母良我愛兄弟無我誑輕
言侍君子惻愴番成羞豈惟一朝痛端與百年休回思
未嫁身行止得自由拭淚不能言但隨溝水流
高堂鬼所瞰美服人所猜雖有黽勉心徒爲愁苦媒春

風。豈。不。吹。秋。風。忽。又。來。嗟。嗟。鬢。與。髮。未。老。而。先。摧。
秋。晨。霜。淒。淒。秋。夜。月。皎。皎。不。怨。秋。霜。非。但。愛。秋。月。好。桂
樹。何。團。團。嫦。娥。實。窈。窕。惜。哉。不。能。拔。紆。軫。向。誰。道。

鄧。林。非。一。木。大。儒。忘。一。身。撥。棄。眼。前。論。匡。救。世。上。人。愚。
公。豈。好。事。精。衛。亦。何。神。移。山。與。填。海。此。志。垂。千。春。艱。難。
貴。勇。往。頽。漏。期。彌。綸。三。復。賈。生。策。庶。用。豁。吾。真。

山。深。有。豺。虎。川。廣。有。蛟。鼉。毒。物。不。翦。除。元。氣。難。調。和。手。
持。丈。八。矛。霜。鋒。露。嵯。峨。豺。虎。坼。其。窟。蛟。鼉。息。其。波。惜。哉。
不。得。往。涕。竭。心。則。那。咄。咄。有。能。事。鬱。鬱。成。沈。疴。

寸心如江河屈注未云了默坐觀世紛沈憂迫人老風
后與力牧古意歛如埽管葛亦飄零屈賈大顛倒天地
有滄桑知幾以爲寶不見秋風吹羣物已枯槁萬變亦
尋常消弭苦不早撼撼無時終耿耿向誰道

孟軻有正氣浩然塞地天汲黯亦骨鯁漢廷稱其賢倪
仰懷前型優游自磨研咳唾皆古香肝腸亮誰宣出門
復入門尤悔來無端辯口久已封誰知我憂煎

精心驚八極蒿目觀四方豈無變化志羽翼不得將誓
當與君子結爲雙鳳凰飛飛到天門以首祈玉皇鷹鷂

爲我使鴻鶴爲我行持此金石懷生彼族類光梧桐有
羣棲竹實無獨嘗道衰苦不振志大夫何償我欲竟此
曲此曲悲且長

朝謁許史廬暮宿金張府白雲圖綺疏明珠壓飛柱羅
幌不勝風珠簾無過雨堂上羅瓊筵堂下擊鞀鼓大姝
工秦聲小姝習吳舞雜遝爲歡娛不知有爾汝烏虜路
旁兒飢凍奈何許歲暮無衣裳田荒少禾黍野哭黃雲
低天陰白骨腐寥寥君子心愷悌亦無補

戔戔蟬鬢客吐酸如奔虹騎用珊瑚鞭飲用琉璃鍾飾

用貂襜褕圍用翠芙蓉借問何所挾兄弟兩三公伯氏
九牧長仲氏萬戶封小弟亦翩翩出入瀛與蓬黃金叅
朋友白劍欺兒童旌旌雜風雨觀者迷西東但悅春陽
好不識秋霜蒙騰騰會有歇擾擾終成空太息青蒿姿
何由倚長松

伊昔黃頭郎銅山自鑄錢延年善爲歌印綬亦翩翩技
小良可羞寵高夫豈堅奈何驚驚翔咸爲蛺蝶先爲蝶
猶尙可爲蠶將慎旃幾微不識察坐致邱山愆

名鳥思茂林巨魚思大壑如何當路子與我共然諾爾

燈照華堂桂酒盈。清爵綺紈爲我施。管絃爲我作人事。
有。網。繆。道。心。多。束。縛。諱。然。逐。時。趨。誰。復。問。蹇。謬。

蘭艾本異科。涇渭不同源。人生各有向。譬彼方與圓。儂
秦何狡詐。牢石相聯翩。未及爲君戒。聊以懲吾便。英英
黃金花。擢擢紫莖莖。性避春風狂。色與秋露團。蕭颺有
真意。惟應知者言。

長安大道旁。走馬誰家子。腳踏大宛駒。身披蜀都綺。臂
鷹笑長楸。關雞橫戚里。調笑邯鄲媚。容華若桃李。生年
不知書。行樂有如此。迂哉揚子雲。草元今已矣。千秋萬

歲後誰能究其理

蕤。藜。豈。獨。惡。藤。蕪。豈。獨。芬。邪。正。一。搏。擊。天。性。爲。飄。淪。文。
才。亮。難。操。風。雷。吁。有。神。勉。哉。崇。令。德。理。足。情。已。存。

危冠挾飛霜。高名撓重謗。南箕與北斗。奮張安可諒。談
虎。固。荒。唐。剗。龜。太。孟。浪。人。事。如。浮。雲。頃。刻。難。一。狀。塗。舛。
辨。何。施。心。苦。涕。應。放。哀。哀。篋。篋。引。千。載。一。悲。唱。

松柏生崇岡。芝蘭相與秀。文章信有神。往還何必又。惻
惻。泉。鸞。分。顛。倒。理。難。究。推。其。生。之。初。大。造。罔。不。佑。流。水。
有。東。西。人。事。有。去。就。用。小。以。累。大。千。載。爲。刺。謬。

我有廣陵琴。飄盪天雲開。一歌鷓鴣歇。再歌鳳凰來。古
調非今情。惜哉難與諧。離離郢中曲。荒荒稷下才。小人
互嘈啐。君子長裘裏。品題久已混。欲辯甯非駭。

熒熒螢似燭。喔喔雞非鐘。萬物露聲光。所貴識其宗。念
我平生友。探懷無異同。贈我雄雌劍。蒼然百鍊鋒。但當
斬蛟犀。何用驅蚊蟲。神物不苟見。哀哉藏匣中。

爽象斯辟邪。然犀乃見怪。豈不類猛鷲。適用固已泰。古
人善驅策。今人自顛沛。哀哉匪犀象。徒然逞狡獪。芸生
亮何辜。毒物無乃太。願請飲飛劍。足以彰摧敗。汲汲書

生愚不識事與會。

得得梁間燕交交。谷口鶯巢成長衆。雛毛羽一何橫。忽
聞風雨至。有巢不得甯。昔作盤天飛。今爲墮地鳴。東海
有時枯。泰山有時傾。取足非自我。悲懼隨所令。

溪東種荷花。溪西種荷花。溪東游碧魚。溪西蹲怒蛙。魚
吹荷浪直。蛙吹荷浪斜。萬物有本性。轉移非自他。行當
謝回次。言當息淫哇。硯硯金石堅。此理誰疵瑕。

朝聞欽鴉鳴。暮見訓狐飛。但恃嘴距利。不識軀體微。主
人操弓矢。欲發不忍開。念其亦物類。聊與爲徘徊。嗟汝

不。嘗。省。吞。啄。無。是。非。渴。飲。紫。駝。羹。饑。食。鳳。凰。胎。念。生。不
念。死。徒。爲。人。所。悲。大。哉。乾。坤。德。何。能。貸。汝。爲。

天。地。自。崇。卑。性。命。無。醜。好。君。子。惟。炯。介。小。人。或。顛。倒。微
言。亮。難。宣。愁。心。那。能。拘。雷。霆。發。羣。蒙。庶。借。於。大。道。

娟。娟。芙。蓉。珮。楚。楚。薜。荔。裳。念。此。非。偶。然。千。載。一。芬。芳。有
才。苦。啖。名。離。聖。而。入。狂。乃。知。內。美。儲。貴。用。外。節。詳。書。紳
使。人。敬。括。囊。使。人。忘。由。來。薺。芥。情。豈。得。爲。事。常。

松。柏。生。深。山。蔦。蘿。繚。繞。之。君。子。重。交。游。亮。無。獨。立。時。黃
金。不。厭。傾。樽。酒。不。厭。持。誰。知。廉。將。軍。失。勢。乃。涕。淚。雲。雨。

多翻覆輪蹄半險巖。混混忘愚智。默默藏懽悲。已矣金石心。百年不可期。

昔日豪華子。信陵與孟嘗。食客各數千。談舌何披猖。道衰重智術。勢炙輕典常。嗟嗟元漢心。閉門秋葉黃。

東閣肆招延。北海重宏獎。此風久已頽。吾生安所放。填胸有珠璣。植骨如篠簞。念此非獨行。韜晦苦不廣。挺挺說古今。荒荒媿俯仰。子期逝已久。顧曲多懔慌。譬彼徑寸光。不及三萬丈。將恐繼以悲。秋淚墮蒼莽。

芷蘭出沅澧。來充君子香。但願顧盼勤。不憚道路長。吁。

嗟此香草。諦視增感傷。左徒爲騷。怨賈生爲涕滂。道衰絳灌。驕命蹇子蘭。狂雖有忼慨。歌肝脾徒自傷。

衆松生泰山。短長乃自然。短松枝偃蹇。長松勢騰騰。騰騫夫如何。高高到青天。下與塵壒別。上承雨露偏。嗚呼。蹶弛士。惻愴今有年。朝謝春陽熙。夕攬秋霜眠。呵噉神鬼橫。飄飄毛髮顛。化爲朽腐骨。誰當職其愆。

麒麟百獸主。鳳凰百鳥宗。鳥獸皆有欲。麟鳳胡不同。晨餐飽瓊瑤。暮景棲梧桐。下視飛走儔。致詞何從容。從容誼有適。拘牽道已窮。未見伏者雌。或爲飛者雄。人生無

百歲知已不再逢。呢呢但如此悠悠何所終。

獨坐北窗前。浩歌淚盈把。捫衣向誰道。舉杯空自寫。一酌方崢嶸。再酌忽婀娜。我志本迷漫。非獨知者寡。

步出北邙坂。惆悵念所思。所思夫如何。千秋之鼎彝。念我草茅來。與子朝暮隨。吹嘘上九天。舉夔以爲期。命蹇失老成。名大得支離。逝者不復還。俛仰增歔歔。

生別尙可逢。死別長相憶。海闊秋茫茫。音容杳何極。昨夜夢無端。飛飛挾兩翼。重理生前詞。不愧古來則。哀哉君子心。埋滅無由得。日暮叫巫咸。冥冥楓樹黑。

南方有佳人。北方有佳人。寄我殷勤詞。逾此平生親。天
天桃李顏。粲粲珊瑚脣。願爲雙鴛鴦。比翼翔江津。欲飛
不得去。慙惘傷我神。我神日已傷。歲月日已奔。冉冉老
將至。勃勃愁難馴。歎歎如花貌。蕩滅爲埃塵。天涯隔雲
雨。夢想安能真。

林鳥思故儕。池魚思故羣。念我親與友。飄盪天南雲。死
者長寂寞。生者亦苦辛。悠悠隔形影。默默傷精魂。少壯
輕遠游。結交要路津。恃此草莽姿。廁彼廊廟珍。蹉跎故
不振。愧憾夫何云。富貴多反覆。貧賤還真淳。硜硜鄉曲

士斗酒可爲鄰。

天遠得幽光。人靜生遐想。方思炳旂常。忽愛檝林莽。結廬白水邊。採藥青峰上。松楸借餘陰。雲霞騁孤往。物駁畏參差。道高超曠蕩。報恩吾未能。聊欲脫塵網。

商山老黃綺。釣澤披羊裘。斯人雖隱遯。高名鑠千秋。媿媿軒冕客。徒爲妻子謀。橫稜得時譽。淪沒歸山邱。喧靜一殊科。賢愚難比侔。營營悼前勇。抑抑成今羞。沈迷不知返。寤非醉飽儔。

漢濱有老父。河上有丈人。外疎耽野興。內醒閱世紛。豈

不念飢溺道屈難爲伸。流涕了無益。忘情聊自欣。去矣
閉耳目。飄然事耕耘。南溪水可濯。北郭禾可分。父老久
爲言。要我以白雲。無使武陵桃。來笑九衢塵。

昔讀陶潛詩。迷不知趨遠。及茲悔已叢。用最歸。母晚晨
酌清流。泉夕卧白雲。嘯鮮鮮芙蓉裳。澹澹魚蝦飯。騏驥
步。修塗馳驅成。老蹇見事苦。不先伊誰亮。忠懇興言白。
聞鳥幽意冷。然善不怯。江海深。邊怪池沼淺。

黃鶴一千里。高高不可攀。我家洞庭水。白雲相往還。鷗
鷺爲我鄰。魴鱸爲我餐。齋疊足天性。休休寡事患。

勞身爲圭組。適道獨柴荆。藹藹墟里烟。忻忻雞犬情。田
父四五人。未知姓與名。相見但飲酒。我醉彼尙醒。或問
田間事。晴雨飽所更。桑麻屢稔茂。兒童易長成。村遠語
言樸。風微溪澗清。卽事如已足。無爲歧路行。

方舟厭迂迴。名馬厭羈束。一落樊籠裏。吾道長碌碌。興
言返田廬。江遠天逾綠。詩舫悅性情。釣竿遠塵俗。巢許
匪吾棄。伊臯匪吾欲。洋洋武陵源。可以濯我足。

浮雲無根株。憂愁不可銷。赫赫侯王門。今成蓬與蒿。菹
醢悲韓彭。累囚怨樊蕭。一身不自保。好爵徒爲要。迢迢

嗚夷子泛泛五湖。芻蕘笠一以脫。瓢樽信所操。桃李有重妍。江海有回潮。吾駕儻可歸。青山永逍遙。

吾聞老萊子躬耕蒙山陽。鞭箠不到此蓬蒿。終徜徉又聞漆園吏持竿濮水旁。甯與神龜存無作。犧牛亾今我意不樂。飄然念瀟湘。瀟湘多香草。吐氣盈我腸。其上有名田。鬱鬱稻與桑。種桑雲已綠。種稻雲已黃。作息聊自程。飢飽匪所量。賴有婆婆婦。時能進酒漿。人生但如此。取樂應未央。

鶴鶴巢一枝。偃鼠飲一勺。計大非所論。分儻庶已樂。酌

酌郭外田窈窕山中閣衣食亮有儲絃歌聊自若無爲
鐘鼎愚反以簪纓縛或牽東門犬竟唳華亭鶴升沈總
何憑生死倏如昨拂衣謝時人去去甘藜藿

蒼蒼荷篠丈潔潔披裘生高風不可挹千載爲澄清漆
園却楚聘黔婁咄齊卿雖然葆貞潔已近世上情風會
有淳漓道路何縱橫朝爲泰山重暮爲鴻毛輕覽物因
惕躬高義斯崢嶸棲遲衡門下旦夕罕所驚

白雲無定在窈窕東西間奈何拘朝市不與松桂緣久
留髮將皤苟得心已酸甯爲野中鹿莫作天上鸞鸞飛

不。得。意。衰。衷。于。壽。天。鹿。行。隨。所。之。不。識。雨。與。烟。青。青。故。山。樹。可。以。息。吾。肩。

荒。荒。年。齒。增。冉。冉。日。月。邁。何。不。學。松。喬。高。舉。凌。天。外。東。觀。扶。桑。瞰。西。赴。弱。水。會。虹。蜺。以。爲。軒。星。辰。以。爲。蓋。手。把。八。空。氣。騰。騰。何。靄。靄。日。與。衆。真。游。是。非。豈。能。穢。

陰。晴。無。定。候。悲。喜。惟。一。心。昨。日。夸。毘。子。今。歸。泉。下。深。人。命。若。朝。霜。奄。忽。螻。蟻。侵。萬。慮。濁。我。智。焉。得。不。銷。沈。西。山。一。何。高。仙。童。雨。兩。尋。與。我。一。丸。藥。授。我。不。死。箴。蹈。火。可。不。化。入。波。可。不。淫。太。息。世。上。人。焉。知。我。所。歛。

赤松至崑崙安期上蓬萊二子良自然隨風爲去來秦
皇與漢武撥索何愚哉紫芝自有華神仙自有懷繕性
契中和壽與天地偕何必談虛無然後離塵埃蓬萊在
顧盼崑崙豈安排長當持此意豁然愁苦開

鳩鴟不惜春蠅蟪不畏秋生前有營營死後何悠悠未
若騎白龍飄然天上游玉皇顧我笑羣仙爲我儔飢食
琳琅腴渴飲河漢流悅懌亮不淺逍遙竟何求紫府爲
我家迢迢不回頭

薜華不終朝蘭膏不終夕長笑六合人擾擾蜉蝣翼盛

往春波俱衰來秋露逼智慧長更消牢愁散復積吾聞

王子喬千載猶美色拂衣尋嵩山丹砂儻可得

秋風卷落葉不能到青天今我弗睢盱壹意於神仙娟

娟西王母招我白雲邊庶憑青鳥使永就丹砂緣王母

忽不悅青鳥不周旋大笑塵中人難著天上鞭竦身已

電滅無由得扳援撫心長太息淚下如奔川

直木不知曲傲骨不知柔與其塵埃死甯作神仙游吾

聞彭祖言神仙亦懊惱天上多尊官旌旆森前導驅策

難可窮倔強欲何道賴有五雲嬖童顏不能老終思天

上勞尚比人間好。

今我忽不樂步出城東門東門塚纍纍狐兔飛以奔白
楊垂枯枝蕭蕭愁殺人借問九泉骨曾是七尺身生爲
良棟材死爲蔓草塵富貴有憂患神仙無飄淪嗟嗟紫
金丹延年吾所忻。

飄飄八景輿歷歷白玉京宿昔夢到之今思轉分明胡
爲縛塵土耐此簪與纓本無姘媵術番成偏側行喪譽
耳已繁哀樂心又并徘徊人間世混混將何名。

壺公來朝市菊子謁公卿豈不守道要聊以覘人情風

會。有。初。晚。兒。童。盡。縱。橫。願。此。非。所。欲。超。然。游。太。清。長。翔。
服。山。董。長。生。服。山。精。朝。騎。赤。龍。飛。暮。騎。白。鶴。行。借。問。桃。
李。衰。甯。知。松。柏。青。

蹙。蹙。發。新。悲。拳。拳。撫。故。我。靡。靡。塵。網。深。曖。曖。天。機。墜。清。
晨。梳。短。髮。薄。暮。悄。孤。坐。童。子。未。工。愁。攜。酒。相。娉。娉。有。酒。
吾。不。掛。有。願。吾。不。果。飢。掘。延。年。芝。倦。整。逃。名。舸。仙。隱。古。
所。欽。去。住。今。將。那。透。迤。不。知。愚。黽。勉。無。一。可。

巖。鄭。吁。已。遠。松。喬。杳。莫。攀。聊。與。世。間。人。環。珮。相。往。還。逢。
迎。費。言。語。曲。折。低。容。顏。長。恐。平。津。豪。或。來。廷。尉。歎。朝。爲。

琴瑟諧。暮爲風雨寒。淒淒素絲哭。鬱鬱歧路難。安能去
好惡。我心如石頑。

我聞揚子雲。吞聲自解嘲。馮唐亦蹭蹬。白首不見招。信
知道德尊。匪與富貴要。內美吁可欽。外營澹已消。象齒
遭翦伐。蘭膏自煎熬。哀哀哭黃犬。李斯安得驕。

翡翠難藏羽。猛虎不衛皮。光燄了無憑。心腸多所悲。願
言紛紜際。挺此歲寒姿。松柏存孤高。霜雪謝侵欺。猶恐
露崖歎。反爲信者疑。烈烈老氏箴。抑抑武公詩。庶用消
永憂。彈琴以酣嬉。

齷齪顏氏子。陋巷談唐虞。以彼簞瓢意。允爲君子儒。貧
競苦不足。淡泊欣有餘。曷爲侈珠玉。衛此七尺軀。不聞
銅雀臺。今棲雉與狐。美人爲黃土。琪樹成朽株。覽物良
可歎。佩道焉能汙。義不受豆羹。聊以貞吾愚。

公莫登太行。上有烈烈風。公莫渡黃河。下有蛟與龍。多
才爲患害。巧智生奇窮。斧斤何丁丁。剝琢百丈松。摧爲
叢中棘。飄爲澗底蓬。衰盛理何常。是非心已慵。君子抱
琴瑟。娟娟秋淚紅。明月在雲端。可以來相從。

淒淒素秋節。灼灼黃金花。嗟此盆中枝。遜彼園中葩。盆

中費布置園中寄幽遐氣豁疏轉密脈闕整易斜賤兮
富本根貴兮鬪繁華沈思令人解民然無歎嗟

弱質逢艱虞勞心萃憂患拙哉蝨蝨蟲苦矣騏驥絆躓
蹬知前愆逡巡貴內斷伊古有儀型足以藥愁嘆孔顏
樂何事風月飽研玩未用賦五噫徒令聞者訕

愚生禹臯後慨想唐虞年敢謂事已遠庶以弛吾肩直
道忌模稜古意厭雕鐫自顧頗愚騃于何覲飛騫但願
四海內無事可憂煎兵革靖邊隅桑麻滿農田天地就
清甯良已愜吾便何必取將相恐爲達者憐

疏。慵。謝。時。名。悲。駭。畏。世。網。高。飛。固。逍。遙。卑。走。亦。侗。儻。不。
知。夔。龍。尊。無。論。季。孟。枉。畫。虎。悔。前。非。食。鱗。澹。今。想。時。還。
作。詩。騷。用。以。洗。塵。鞅。短。歌。慰。清。寥。長。歌。破。蒼。莽。未。見。千。
歲。後。虛。名。尙。標。榜。吾。生。不。可。愚。聊。以。寄。心。賞。

朝。誦。巷。伯。詩。夜。思。梁。甫。吟。在。我。亦。何。校。感。物。良。已。深。白。
日。成。陰。靈。康。莊。變。嶇。岑。親。暱。一。以。乖。讎。謗。來。相。尋。借。問。
所。讎。謗。良。足。爲。砭。鍼。驕。驕。莫。爭。塗。鸞。鳳。豈。擇。林。吾。甯。守。
其。雌。庶。以。道。自。欽。

慨。愴。泣。歧。路。悠。悠。經。素。秋。時。運。有。代。謝。君。子。多。殷。憂。疑。

霜被衰野涼颺急寒流撫菌痛凋落舉蘭思阻修方盛
固有衰旣去誰能留今我不懽娛零落歸山邱厭厭飲
醇酒醉外無所求

楊柳勿嬌春梧桐勿悲秋嬌春春有限悲秋秋不休
撼木葉零嘒嘒蟬聲流時方讀我書觀理窮境邱借問
太上人何知今日憂浩歌忽有得沈痾良已瘳歷歷去
來事豈足爲我愁

登高見萬里秋盡天茫茫願與秋潦涸不隨秋蓬揚秋
蓬斷木根上下無恒旁離離度霧沒宕宕從風狂天命

難可料人理固有常飄轉竟如此誰知我肝腸

拍拍鷓鴣繁嘈嘈蜻蛚惡焉知我心深不爲秋風虐來
日雖大難今日尙當樂珍羞稍可陳笙竽胡不作朋來
有新詩賓至無算爵綽約華髮歡慷慨黃金薄商山有
紫芝蓬萊有傑閣自憾非神仙不能常嬰鑠且復飲我
醪形骸庶有託

朝思瀟湘渚夕夢浮邱山上有桃花林下有蘆花灣
褰衣步窈窕濯足臨潺湲黃鳥不離巢白魚來上竿
遙遙問故鄉兀兀常苦顏秋高天地闊可望不可還
甯要狐

貉裘弗甘藜藿餐功名等畫幃日月如跳丸常恐山中
人嘲謔來無端鴻雁東南飛寄我款款言

暮秋日苦短志士心苦長絡繹爲我鳴鴻雁爲我翔幽
花泣餘妍落木出孤蒼仰見霜霰白俯歎川原黃血氣
能幾何憂愁不可量嘯歌苦自得歌竟還悽愴

海秋詩集卷之八

益陽湯鵬海秋撰

五言古詩

古意八十首

併序

古意何爲而作也稽昔江文通爲雜體三十首
王弼州竊倣厥體廣爲擬古七十首大都取古
人事蹟可爲淒歎煩懣者而夷猶以寄意宛轉
以成音焉然詩不外乎性情而性情莫切于夫
婦之際善哉柯大復之言曰三百篇首乎睢鳩

六義首乎風而漢魏作者義闕君臣朋友辭必
託諸夫婦以宣鬱而達情焉其旨遠矣夷攷文
通身州之作鋪陳古往語傷直致其出於夫婦
而兼風人之義者不數數焉大復天才俊秀厥
見孔卓然明月一篇未足盡其義類且僅鬚髯
唐初四子者之所爲以富麗相尙去古遠矣夫
江河之水不涉其源不知其流之遠也秦岱之
峯不躋其巔不知其下之卑也自漢魏已降古
意不絕如綫故其風靡波蕩所及始則變而爲

唐初四子之富麗繼乃振之以杜子美之沈著
韓昌黎之奇崛蘇東坡之奧博元遺山之雄健
雖皆傑然自成一家其爲詩之變體而未足以
承三百篇之後則均也余以偃蹇之姿挾沈酣
之致旣纏綿而不已又洗洋而自恣輒以暇日
博搜古昔夫婦之際幽愁憂思之情狀且其已
被于詞人才士歌詠之流傳者起自織女訖自
秦娘得古意八十首其命題畧倣文通夔州而
詩則淹有風人之義其間貞淫並錄不主故常

猶之乎風有關雎葛覃而衛之桑中蝮螻鄭之
狡童溱洧齊之做笱陳之株林聖人弗刪焉其
善者以感發人之善心其惡者以懲創人之逸
志是則區區私淑之義非徒雕章緝藻之爲而
已

織女望牽牛

天門詆蕩蕩天河憾無梁愉愉會合短悵悵離別長透
迤整瓊珮組織成雲裳亮當爲誰容其如天一方蟾蜍
不我引麒麟不我將裴裒東與西終日涕淋浪焉知桃

李花弗隕松柏霜盛顏有衰歇佳會無回翔念茲獨居
苦端爲雙棲妨儻非七夕歡誰結千載傷

配瑛思靈鳳

朝與靈鳳游暮與靈鳳游靈鳳有羽翼嫋嫋何脩脩吁
嗟運命乖愛至終成愁樂往塞回颺哀來沸奔流摧茲
百蟲長埋向長林邱長林秋草繁風號狐兔啾鳳兮精
氣在變化非常儔去當長裘哀來當再綢繆

皇英泣湘水

荒荒九疑暮嫋嫋三湘波芙蓉雖可采其奈愁心何萬

乘不知處鳴咽成滂沱念當鳩汭年生死誓匪他天寒
古龍吟秋老離鸞歌深恩感夙昔中道悲轍軻幽當訪
冕旒明當捐綺羅江心葬我骨江水高差我忠愛有天
知杳冥無人過聊注竹上淚不與代俱磨

后妃歌卷耳

擊鼓不知樂刈葛不知長勤勤采卷耳離離周行天
遠山崔嵬君子在蒼茫昔叫雉鳩鳴今悲我馬黃登高
不可見涕竭心永傷暨暨執一德勉勉營四方王事有
馳驅焉知兒女腸姑酌觥與壘終朝以徜徉

莊姜刺謔浪

朝朝聞終風暮暮見綠衣綠衣誰與校終風不可隨觀
此霾與暄涕落橫慘悽身飾鏤鏤憤心嗟虺虺靄謔浪
未成歡巧倩靡所施悠悠非古處愁歎無已時日月不
我弔父母不我宜悲哉天上鸞不及水中鷺

女復悲婞直

秋風泣沅湘荃蘭匪時好汝何婞直爲禍福速響報緬
惟伯庸考令名施郊廟逮汝重修能芳澤羅衆妙騏驥
有窘步鷺鳥無懦貌譽譽名已聞冉冉老將弔雲霓匪

旗旆崑崙安可到。顧此黨人世。嫖節紛已訕。雞鷩謂汝
愚。猥猶謂汝傲。無若鯨亡身。執手各悲嘯。

共姜矢柏舟

淅淅秋風吹。漫漫妾心愁。妾心不可見。驗取河中舟。洪
濤何茫茫。柏舟乘風游。動與鯨鯢作。靜與蒲葦休。鯨鯢
固險巖。蒲葦實綢繆。執節貴終始。義重如山邱。食薺不
知甘。食荼甯見尤。哀哀告父母。無使兩髦羞。

邶婦感谷風

涇渭辨濁清。薺荼變甘苦。靡念故人勞。反受新人侮。新

人如兄弟輕軀稱歌舞。咳唾若桃花。豔豔飛紅雨。衰盛
由勢然。悲懼共誰語。昔搖比翼扇。今隕孤棲羽。回思
勉心德音。竟何補。匍匐本人情。洗滌非太古。習習谷風
吹。葑菲有延佇。我生獨艱難。吞聲裂肺腑。

柳下惠妻哀誄

知鳥莫如木。知馬莫如車。哀柳夫子炯炯。兩意俱婉
婉。執巾櫛名德。邇在余從。俗忌嶢嶢。救民獨踣。雖蒙
三黜。羞愷悌心。所於於。虐父母邦。行路森崎嶇。小人多
怨訕。君子恒坦舒。生不譽其德。歿當永其譽。淒涼一字

謚炳耀百年。軀天高耳。屬地賤妾。無阿諛。

楚莊王如苦諫

蕩蕩楚境橫。拳拳妾心苦。脫簪聊用諫。悲深涕如雨。弋獵勞君軀。邪佞匪吾與。亮知叔敖才。羞共虞邱語。先民進芻蕘。好言莫屺晤。慨想任姒賢。化自閨闈譜。妾無知與聞。但願竊功樹。進賢而退奸。匪今良自古。

衛女思流泉

悠悠淇水深。猗猗綠竹長。綠竹不可見。夢想踰蒼茫。疇昔在深閨。婚嫁不自詳。來因父母命。去無羽翼翼。

不厭豐節。義不厭強。魚網而鴻離。咄咄愁我腸。褰衣履薄。冰援琴集。飛霜安得騎黃鵠。飄然還故鄉。

伯姬投烈火

洪流尙可渡。烈火不可投。哀哀未亡人。死去無悔羞。孤鸞在天地。毛羽爲誰脩。不舉桃李春。但泣荃蘭秋。諄諄朱官災。紫霧斲不休。炎官知我心。焦爛了我愁。時情詭趨避。或爲古人說。允矣名義重。食息非所偷。

漆室女倚貞木

逸馬踐園葵。園葵苦不飽。憫憫女兒歌。憂患何年了。願

石魯國。愚幽意無人曉。懷忠反見疑。貪生不如槁。攀裳
林冥冥。倚木心悄悄。援琴來西風。黃葉不可掃。不惜未
嫁身。去向重泉道。雖知埋歿悲。聊以畢懷抱。

百里婦炊屨屨

貧賤結金石。富貴攀蘭苕。世態良悠悠。君子宜有超念
昔屨屨炊草屋。風飄飄伏雌固。可烹五穀誰見招。黃緣
佩相印。堂上吹笙簫。豔豔同功綿。寵彼嬌與嬈。紅顏挾
青蠅。誰謂我焦勞。新人喜乖張。故人畏訓辭。名執賤
役聊以觀。賢豪琴有大小絃。郭有東西樵。妾心委自然。

君德未可撓。眞莫捐我爲憂。疑以終朝。

夫差小女延頸歌

誰謂北山羅可得。南山烏誰謂相逢易。憂思坐枯槁。本非百年儔。安得雙棲老。輾轉寢在牀。容光去如掃。憔悴實可羞。不如泯滅好。悲哉墓前影。泯滅未云了。

越王夫人渡江哀

江上烏鳶號。江間波洋洋。裴裒欲西往。悲痛結我腸。人生無恒居。飄如乘風航。流轉事偶然。黽勉心所將。姑蘇實强大。喜怒安可量。君行爲社稷。妾行涕淋浪。昔揚翟

蕩華今吹衣。褐涼江廣多愁雲。日暮無津梁。遙遙憾脩阻。去去空回翔。未知何日月。翩然返舊疆。

杞梁有義妻

海不可使息。山不可使走。誰料杞城崩。妾心亦何有。淒涼十日哭。但訪神與后。上無父母慈。下不見黃口中。隕瑟與琴慘矣。空牀守空牀。良所甘薄命。安能久愁多。併於哭涕落。不知厚日暮。抗聲號。聊以抒結糾。哀哀爾城崩。瑟瑟妾顏。怛天地。雖震驚。不補雄雌偶。

秋胡失貞婦

瞻彼鶉與鵲。奔奔何疆疆。作嬪於君子。五日宦他鄉。山
川阻且脩。顏面嗟微茫。道旁忽相逢。忘却雙鴛鴦。君自
誇黃金。妾自採柔桑。柔桑供君衣。黃金斷妾腸。拳拳久
離別。佻佻來輕狂。可憐松柏心。不爲君所感。捐袂赴長
河。河水清洋洋。勉矣人閒婦。慎莫厭秋霜。

戴媯痛大歸

燕燕爾頡頏。不知我心悲。燕飛有定巢。妾歸無令儀。攬
袂獨裘裒。野曠風淒淒。荒草春已秋。白日東又西。垂老
返舊邦。泣涕紛雨披。悠悠蒼天高。淑慎乃見擠。

越婦哀若何

朝采山中葛。暮作機上絲。葛生一何盛。絲成一何奇。台
台復霏霏。以充綵與絺。妾是庶人婦。報君未有期。孳孳
填海禽。楚楚向日葵。聊用織杼勞。甦此嘗膽悲。

韓憑妻殉青陵

鷓鴣故有匹。併欄故有陰。瞻彼青陵臺。顛倒傷我心。妾
知蓬壘淺。不願樓臺深。深以結永憂。淺以鬯微忱。殷勤
報宋王。河大雨淫淫。生爲清流重。死無濁流侵。

陶明女歌黃鶴

登高騁四望。東山復西山。淒淒一心人。心苦凋紅顏。激
爲黃鶴歌。志在風霜間。天寒雌哭雄。淚竭血斑斑。回念
昔時歡。盡成今日酸。七年方獨處。百年行已殫。踰踰誰
家子。意欲斬雙鸞。鴻雁鳴雝雝。媒妁扣我關。新雄今所
愛。故雄古所歎。黃金如山高。無令白水寒。

竇元妻羞白兔

問天天莫瞞。呼神神豈往。白兔東西顧。一心化爲兩。棄
故以就新。妾心何養養。奪我芙蓉裳。舉我翡翠幌。蛛網
改纏綿。鵲巢失憑仗。控訴將焉如。默默獨慨慷。古來深

閨中憾事多。惆恍了無繫。與援喟然發長想。

焦仲卿妻自誓

孔雀尙裴裒參差者。人心孔雀尙裴裒參差者。人心入
門阿母怒出門。府吏尋府吏一何賢。涕淚霑我襟。君如
磐石厚。妾如蒲葦深。勿謂鷓鴣愚。飛棲良酌斟。耿耿抱
明信。生死以爲箴。衆疑妾心搖。道塗非德音。

蘇伯玉妻長歎

北風何凜冽。吹妾機杼寒。手暈秦川錦。心悼蜀道難。天
梯連石棧。猿狖號其間。猛虎競人肉。長甍不可攀。念君

還無期。雪涕以長歎。馬蹄踏崔嵬。焉知碎與完。遠道失
魂夢。沈憂減容顏。雖云巾帶私。古意良不刊。鯉肥人所
羨。鵲饑人所憐。遥遥君子心。悽慘盤中言。

虞美人答項王

煙塵何茫茫。不辨楚與漢。赫怒經百戰。虜鋒屢摧陷。虎
豹步高岡。鸚鵡厲征翰。大王固英雄。成敗非所歎。豈
拔山羞成。比浮雲暫時。兮焉用利長。日都已晏。嗟兮焉
用逝。高足都已絆。橫覽稱制家。運命誰能算。妾在兵戈
久。生死內用斷。耿耿懷恩情。勞勞殉患難。沙埋垓下愁。

月掩帳中憾大王但自爲女子何足惋

李夫人謝武帝

濯濯昆靈池。茗茗柏梁臺。縹緲不知處。纏綿同一懷。妾
慙蒲柳搖。君抱金石諧。別長會合短。如何不裴哀。落葉
依重扇。明燈藹芳帷。要我以陟降。心苦翼欲飛。將卽而
忽離。當是乃更非。叮嚀生前誓。荒唐死後媒。悲思費日
月。魂魄何益哉。後官多妙麗。安用妾歸來。

戚夫人永巷哀

朝聞永巷春。暮聞永巷春。不知春者誰。悲聲在秋風。昔

拳椒蘭坐今與髡鉗從欲哭淚有盡欲歌意無窮水深
鯉潛淵枝長鶴歸松天寒衣赭衣薄命難爲工

陳皇后長門怨

春花不言愁及秋悲已哽念初稟陰儀翬禴對芳景方
恃金屋嬌遽坐長門冷長門何悠悠流月搖孤影蟲咽
玉階寒螢舉羅幌靜莓苔不知深梧桐一以永未見翠
華來蛾眉長自整恩波在妾心感激淚已竝妾當懲嫉
妒君勿記榛梗姮娥爲我言青天有惠肯

甄皇后塘上行

蒲○生○何○離○離○妾○心○何○婉○婉○衆○口○錄○黃○金○誰○能○奪○誠○悃○雙○
飛○固○纏○綿○獨○居○彌○繾○綣○夢○想○見○光○儀○若○近○乃○更○遠○魚○肉○
弗○爲○亨○愁○薤○弗○爲○蹇○計○較○少○與○多○徒○令○君○子○覲○悲○風○爲○
我○號○不○知○心○所○遣○人○言○棄○捐○苦○棄○捐○用○黽○勉○

趙河女操檝

河○水○洋○洋○來○下○有○鮫○與○鯨○鯨○鯢○非○天○性○君○子○多○令○名○父○
司○河○津○吏○妾○駕○風○濤○行○父○醉○妾○徬○徨○天○怒○不○可○禦○死○畏○
刑○章○嚴○生○禱○君○德○馨○日○月○自○有○照○雷○電○自○有○平○檝○檝○理○
舟○檝○惻○惻○來○悲○情○不○見○清○冷○波○化○作○嗚○咽○聲○

淮南妾換馬

梟鸞一淆亂貴賤不可分
妾施紅粉粧婀娜如春雲
齊紈爲上襦蜀綺爲下裙
珊瑚間木難腰佩何繽紛
咄咄渥洼水產此騏驎
驕嘶赤墀下左右皆殷勤
馬貴不離獸妾賤不離人
蹀躞矜鞍絡嬋媛落風塵
古來窈窕姿無此薄命因
拳拳蓄忠懇默默長悲呻

麗玉寫箜篌

移山愚可哂渡河狂可憐
惜心力短躑躅意氣顛
河伯肆披猖風與波濤連
長鯨何呀呀不汝以周旋
在險

弗○可○平○既○往○誰○能○還○覆○舟○慙○伯○夷○懷○沙○慕○屈○原○君○作○波○
中○骨○妾○了○世○上○緣○命○也○可○奈○何○悽○惋○無○與○言○悲○風○激○篋○
篋○思○遠○聲○獨○酸○垂○誠○後○來○人○擬○壺○方○慎○旃○

綠珠歌懷儂

朝○爲○懊○儂○歌○暮○爲○懊○儂○歌○歌○好○殊○不○祥○慘○此○矛○與○戈○
矛○非○人○情○妾○命○逢○百○罹○豈○不○惜○蓬○粉○其○若○使○君○何○登○山○
畏○豺○虎○涉○海○愁○亂○體○匹○夫○而○懷○璧○門○戶○生○風○波○使○君○且○
勿○歎○禍○去○福○則○那○殉○身○以○爲○報○庶○附○名○義○科○

班婕妤詠團扇

沿○沿○江○漢○水○萬○里○爲○朝○東○執○中○侍○君○子○恩○情○宜○有○終○團
團○合○歡○扇○咄○咄○悲○秋○風○棄○捐○固○尋○常○愁○來○如○奔○洪○三○星
猶○在○天○不○照○增○城○宮○髮○爲○秋○風○白○淚○爲○秋○風○紅○人○生○不
快○意○搖○落○適○已○逢○君○懷○豈○有○他○金○石○心○所○崇○

蔡文姬製悲笳

白○玉○纏○泥○沙○誰○能○詰○其○由○嫋○嫋○十○八○拍○沸○沸○千○萬○愁○烟
塵○蔽○鄉○土○失○身○走○荒○州○虺○蛇○刺○我○步○蜂○蟻○捎○我○頭○逼○我
爲○室○家○怛○咤○森○刃○矛○仰○視○南○飛○雁○邊○書○安○敢○投○日○暮○悲
風○來○天○遠○心○悠○悠○漢○家○有○聲○靈○女○子○甯○漂○流○噫○氣○浩○長○

空○涕○落○無○時○休○踏○蹬○返○舊○邦○踟○躇○嫁○陳○留○死○當○埋○桑○梓○
生○已○包○悔○羞○寫○此○絲○竹○情○炯○炯○哀○千○秋○

卓文君絕長卿

誰○謂○雪○皚○皚○誰○謂○月○皓○皓○雲○雨○一○翻○覆○不○我○以○終○好○昔○
爲○鳳○求○凰○今○似○霜○中○草○捫○心○徒○用○悲○交○頸○苦○不○保○清○水○
有○東○西○女○子○執○懷○抱○長○爲○白○頭○唵○鬱○鬱○復○何○道○

王昭君憾延壽

亭○亭○千○尺○桐○其○下○無○攀○援○賤○妾○升○曲○房○儀○容○得○自○然○恃○
此○蛾○眉○嬌○艷○彼○龍○顏○憐○安○能○賂○畫○工○忠○懇○反○成○愆○妾○心○

多古意畫工少真詮刻鏤成嫗姆迷離失嬋媛飄飄紅粉粧踏蹬黃沙邊山高水泱泱道里萬有千不憾匄奴醜但憾延壽好顛白以爲黑憂患無窮年

烏孫公主嫁昆莫

貞木爾勿華白石爾勿磷未嫁猶從容旣嫁多苦辛天遠沙茫茫驅車適烏孫懼爲君所誅黽勉愼新婚窈窕穹廬中斟酌璫與裙懷土義亦非出語聲復吞黃鵠能萬里朝燕暮已秦妾雖有羽翼奈此荒荒雲憂來如邊風凜冽那可論

明貞夫人閉廣川

奔流苦不息。讒口焉能休。咄咄陽城妬。哀哀廣川愁。衾
裯妾已非。篋籥子何周。不見蒼蒼天。誰問女與牛。紅顏
如漂花。昨春今遂秋。時哉不再來。菲鬱生百憂。何以寫
我心。惟有商聲謳。天神尙感通。聞者竚不羞。

華容夫人顧雨渠

蹶蹶歸空城。顛顛顧雨渠。生存事已非。死別心焉如。妾
雖閨閣姿。了見禍福樞。酒酣月茫茫。淚落不成珠。君歌
妾起舞。悲風振羅裾。太息桃李華。溝瀆胡爲乎。

敬瑜妻感連理

黃○鵠○抱○幽○獨○天○神○實○鑒○只○情○移○生○悔○尤○義○正○刪○綺○靡○瞻○
彼○墓○前○柏○翁○鬱○成○連○理○拳○根○色○蒼○蒼○攀○枝○光○嶷嶷○嘉○祥○
理○有○徵○憂○患○心○無○已○父○兮○母○兮○仁○慎○莫○多○彼○此○舅○兮○姑○
兮○賢○慎○莫○輕○撼○一○身○嫁○二○庭○千○秋○以○爲○鄙○長○陰○柏○舟○詩○
可○以○資○礪○砥○

樂昌主悲破鏡

女○蘿○攀○長○松○枝○枝○欲○上○天○妾○本○公○官○姿○辜○負○舍○人○賢○國○
破○悲○銅○駝○塵○飛○污○彩○鸞○朝○舉○徐○家○帳○暮○拭○楊○家○絃○地○崇○

遭蹂躪情極生。迹。適。青。衫。少。寄。託。紅。粉。多。哀。憐。憶。初。分。
半。照。爾。我。各。慎。旃。悄悄。遣。蒼。頭。勤。勤。報。新。篇。衰。哀。今。昔。
閨。心。苦。涕。泣。翻。破。鏡。可。再。合。故。夫。可。重。還。惜。哉。流。離。身。
羞。悔。不。可。言。

緹縈上書

生男且勿誇生女。且勿詬父爲太倉。令女爲閨中秀。嬈
嬈復婷婷。輕軀曳長袖。公庭迫。追呼父罪坐。拘愁四女。
但蒼黃。一女獨匡救。元霧測鏡清。疾風挺松茂。遙遙長
安城。悃悃訴悲疚。臣雖女子身。實爲臣父後。牛有舐犢

慈烏有反哺厚愁心裂飛霜熱淚挾奔溜天高聽我言
轉移在邂逅

木蘭從軍

汨汨黃河水冷冷黑山風
仡仡雄兔走嫋嫋雌兔從長
途送萬里天遠沙濛濛
人馬同渴飢焉辨西與東
下替阿爺征上奏可汗功
女子雖區區忠孝理豈蒙
鐵衣畏寒光照見涕淚紅
死去命如蟻生還首已蓬
阿弟供我餐阿姊拭我容
嗟爾平居人未知我心忡

邯鄲才人嫁廝卒

生○莫○憶○邯○鄲○死○莫○憶○邯○鄲○中○夜○一○衰○裒○淚○落○如○波○瀾○峨○
峨○丹○闕○中○金○柱○玉○闌○干○朝○朝○學○歌○舞○暮○暮○承○君○歡○人○事○
非○意○料○譴○謫○難○爲○顏○衆○女○妬○蛾○眉○焉○知○我○悲○酸○漂○零○嫁○
厮○卒○日○暮○衣○裳○單○風○掩○蓬○燈○暗○霜○摧○雲○鬢○殘○不○憾○妾○命○
薄○但○禱○君○軀○安○雖○睽○左○與○右○明○鏡○瑩○心○肝○

銅雀宮人望墓田

漠○漠○西○陵○田○迢○迢○銅○雀○臺○雄○劍○亦○已○歇○總○帳○何○爲○哉○妾○
本○邯○鄲○女○貌○與○威○施○偕○一○笑○蘭○香○聞○再○笑○桃○花○開○君○王○
愛○歌○舞○隊○隊○琵琶○來○生○前○榮○豈○特○死○後○哀○難○裁○悲○風○切○

我。牀。殘。月。照。我。懷。但。見。松。與。檟。霜。露。白。皚。皚。漳。浦。無。西。
流。翠。華。豈。旋。歸。心。羨。飛。蓬。好。空。中。自。裴。裒。妾。命。不。如。蓬。
幽。繁。成。莓。苔。誰。能。起。九。泉。一。訴。望。陵。非。

徐淑答秦嘉

皇。靈。沛。雨。露。枯。花。難。爲。春。迢。迢。上。郡。掾。念。妾。屯。塞。身。鍼。
藥。豈。不。進。寢。疾。鮮。所。伸。憾。無。雙。飛。翼。騰。此。飄。飄。雲。元。霧。
蔽。山。陸。悲。風。激。江。津。一。意。結。千。愁。輾。轉。在。牀。茵。亮。執。百。
年。義。短。折。非。所。云。君。子。重。達。觀。哂。此。兒。女。仁。勉。矣。報。國。
軀。眠。食。宜。自。珍。慎。勿。憶。妾。爲。憶。妾。多。苦。辛。

王宋報劉勳

裘衣採藤蕪上山莫下山萬一逢故夫慊慊愁心顏
窮
甌山陽女與子爲雙鸞庭前種連理堦下摘合歡妾在
塵壙中風吹衣裳單悲來咽長梗十日九不餐白日有
回照明月有重團踟躕獨遠望棄妾難重言

太常妻送獄

鳳凰不並翼誰珍百年懷可憐太常婦但見太常齋潔
志通神明高義懸崔嵬君自營八閩妾自憶雙飛疲勤
坐干禁桎梏森以排日月何高高不照我心哀桎梏豈

所憎琴瑟久已非。女子如車輪。好醜從人爲。

秦女休報仇

鷹鷂擊羣怪。毛血何浪浪。妾本秦氏女。幼窈窕。慕慷慨。右手據長矛。左手持白楊。東南有仇家。憤憤填我腸。輕言殺人易。曳梏何悽愴。關吏且勿呵。丞卿且勿驚。末俗競媸媚。高義委秕糠。豫讓及荆軻。俠骨久淪亡。誰謂我無能。女兒當自強。

阮瑀婦早寡

瑟瑟秋風來。淒淒木葉落。飄飄鬢髮稀。黯黯衾裯薄。候

雁翔河洲歸燕巢簾幕妾心獨徬徨良人委冥莫長夜
夢悠悠真幻兩無著欲飛憾羽短多愁苦心弱秋亦不
懂樂春亦不懂樂相從九泉臺了此百年約

陰升姊晚嫁

蜘蛛爾知織蟋蟀爾知鳴妾本名家女麗質號傾城初
入魏王家綺樓雕綵楹深鎖桃李愁那諳枕席情魏王
忽晏駕妾淚泣以橫淒淒放出宮琴瑟未分明垂問蓬
蒿婦其樂不可名夕作同衾眠旦作攜手行自慙窈窕
姿漸與憔悴并秋心苦銷歇春心喜敷榮兩心集萬憾

太息不成聲。

王肅妻爲尼

覆水可再收。慎莫斷絕爲碎壁。可再完。慎莫擲爲埃。昔侍華堂。宴今與和林。偕太息。妾爲尼。分遠心尙偕。君看機上絲。嫋嫋何纏絃。丈夫執一德。女子無是非。

華山神女合葬

苕苕華山。畿藹藹南徐。士愉愉爲儂。生慘慘爲儂。死慨彼世上人。絲蘿罕終始。朝結東鄰婦。暮挑西鄰子。感君執高義。嗚咽不可止。牛馬爲啼號。天地變青紫。亮此長

逝身再逢難。準擬支離迫。憂煎不如其同。已心心祝墓。
木變化成連理。上枝巢鳳凰。下枝援葛藟。

青溪小姑獨居

生不見所歡。死不見所歡。裴裒青溪上。涕落心纏綿。獨
居本無郎。聽歌方悄然。君歌磐石粲。妾歌繁霜寒。繁霜
傷人心。摧落桃花顏。可悲復可怨。寫此篋篋。彈邂逅。薦
君席。月照雙團圓。嘉爾銀盃珍。愧我金釵慳。歡會不轉
瞬。離別如奔湍。去去登橋梁。漫漫非人間。

張麗英題石鼓

統扇不受塵。竹箭不受霜。悲彼下土人。焉知我心傷。避
兵金精側。散髮石鼓旁。紫雲鬱特起。颯身凌穹蒼。飄飄
仙之人。導我以翱翔。琳宮爲我家。姮娥爲我行。天上歡
娛多人間。憂患長超哉。窈窕姿不嫁。長沙王。

劉妙容撫玉琴

搖搖渚中舟。皎皎亭上月。斗酒聊酌斟。寸心多曲折。君
從東宮來。休沐恥干謁。妾在秋風中。獨處衾如鐵。邂逅
彈箜篌。參差淚成血。君歌清有餘。妾歌悲不歇。君歌與
妾歌。宛轉向誰說。欲爲星與漢。光景有圓滅。慘矣相逢

難相逢重離別

楊茗華勸沙門僧

造物解安排凡民各儕偶結愛斯忘憂耽空乃害有咄
咄沙門僧逃禪混然否木魚雖警策文鸞實孤守自古
有怨嘆義命吁可受未聞袈裟薄反奪琴瑟厚牀餘合
歡被室缺掃愁帚誰能報空王慈悲及蓬首

崔清河憾鄭櫻桃

幽居想人事反覆無不有常兮鳳從雌變兮雉求牡咄
咄鄭櫻桃娥娥侍左右帳盤琥珀勻牀貼珊瑚厚後庭

三萬人愁鎖雕房柳。君王不得見，紅顏化黃耆。妾本清
河女，拳拳執箕帚。甯嫌彼寵專，但憾吾生苟。髮雕鸞鏡
前心，落鸞篋後淫。昏挾譖，慙禍患。生臂肘，小人意無極。
君子義不朽，願垂炯炯心。餘光照井臼。

蘇若蘭璇璣圖

會合厭謠詠，別離厭淒涼。謠詠刺我骨，淒涼迴我腸。我
戎拜將軍，迢迢向襄陽。弗爲攜手，皆悔憾。安可當山高
穴，有虎水深橋。無梁欲往，怯險誠心苦。涕泗滂，織此迴
文詞。五綵相披揚，縱橫八百言。一字千感傷，伊古有謨。

訓今人尙眩忘妾非仁與智聊以獻珪璋憐才貴用真
執義費用詳新心與故心君子勤校量

馮淑妃琵琶弦

滄桑一變換天地何悲哀山崩與水咽紛上妾弦來昔
爲官中花飛傍九層臺今爲牆上蒿飄泊來君懷
翠雲裘朝進紫霞杯豈不感恩義中心有所違繁音激
江颺清響飛梁埃蟠紆寫幽獨悄切重低們雖知命運
然割念良難哉得今而忘昔亮爲君子非

翔風王羣少

盈盈獨秀蘭冉冉孤生竹結愛難始終慘矣寒蛩褥人
事有波瀾衰盛如轉躅情因嫉妬乖步爲崎嶇曲昔藉
朱門榮今銜羣少辱秀言非我能好言非彼欲攬衣起
悲哀悲風入幽獨蛾眉有悔羞憔悴苦不速

柳枝向誰家

紫燕競識主黃鳥亦逢人慙慙深淺事炯炯去來因妾
在大夫家薦枕情所親朝升洛川霞暮化陽臺雲君雖
鬢髮彫妾貴笙竽新酒酣歌豔歌可以怡心神末路得
遣斥沈思更悲辛霜摧白玉佩塵汚紅綸巾轉蓬隨長

風馬問乾與坤但愴今日遇彌懷昔時恩

上陽人多白髮

少亦閉上陽老亦閉上陽雖賜尙書號白髮如秋霜百
轉鶯在林雙棲燕在梁妾生獨何爲寥寥守空牀憶昔
妖且閑體薰百和香本希昭陽景反斷長門腸望恩恩
苦短送愁愁苦長人生如奔電遲暮焉所望存雖斷消
息歿猶戀景光娟娟魂與魄化爲雙鳳凰

侯夫人閉迷樓

春風豈不仁吹落春樹枝妾在迷樓中徹惘欲何之容

華若桃李攬鏡行復疑多夢不成歡強歌乃更淒芳草
思玉輦羞問見無期睠彼黃泉深了此紅顏悲娘娘棟
上帛淒淒臂上詩詩中有深意甯論知不知

杜秋娘還故鄉

嗚咽京江水中孤鳴鳳問鳳從何來深深說未央
壁挂金鏡照見珊瑚牀君王重顧盼冠珮生輝光
授傅姆捧持得名王時扶綠玉杖侍晏瑤池旁
烏序人間事反覆不可量冥冥哭白日南園還故鄉
道旁有桐柏枝葉交相當棄置不復顧淚落心悲傷
今年飢無粟

明。年。寒。無。裳。鄰。人。借。機。杼。織。素。不。成。章。

士人妻吹簫樂

暖。暖。天。上。雲。慘。慘。人。間。蓬。雲。興。掩。明。月。蓬。飛。逐。東。風。妾。
本。士。流。妻。配。入。掖。庭。中。灑。婦。日。不。暇。膏。沐。誰。爲。容。清。秋。
吹。簫。策。曲。遠。心。無。終。蒼。茫。怨。回。鵲。逍。遙。羨。冥。鴻。天。不。弔。
我。寃。神。不。恤。我。窮。艱。難。畏。人。知。願。學。瞽。與。聾。有。絃。調。忌。
高。有。涕。痕。忌。紅。心。心。念。宿。昔。魂。夢。在。虛。空。

溇陽婦抱琵琶

悄。悄。溇。陽。月。瑟。瑟。蘆。花。秋。蕤。非。江。頭。人。今。斜。江。間。愁。生。

長。蝦。墓。陵。歌。舞。非。常。儔。夜。披。紅。羅。襦。深。深。拜。女。牛。淪。落。
嫁。商。人。已。矣。命。不。猶。商。人。輕。別。離。買。茶。去。悠。悠。春。懸。伽。
蛛。網。秋。槁。鴛。鴦。稠。吞。聲。憾。流。水。曾。不。送。歸。舟。人。生。莫。爲。
樂。老。大。轉。多。憂。旣。往。隙。如。駒。方。來。梁。有。鶯。薄。命。生。離。離。
獨。居。結。綢。繆。江。空。彈。琵琶。江。月。爲。我。留。嗟。爾。江。月。明。未。
知。我。所。求。

長干妾遲估客

鴻。鵠。千。里。游。十。里。一。裘。裒。區。區。長。干。人。一。去。不。復。歸。今。
年。巴。陵。道。明。年。灩。澦。堆。天。風。吹。波。濤。大。艖。高。崔。嵬。錢。帛。

重山邱性命輕塵埃豔豔閨中妾綿綿心上哀月落鷓
鷄號草深蝴蝶飛粒有並根蒸網有雙絲裁及時多樂
事不見行人來君貪黃金富妾畏紅顏衰黃金有禍福
紅顏無是非願言崇令德好貨何爲哉

楊貴妃至馬嵬驛

駢。馱。漁。陽。兵。礫。礫。馬。嵬。驛。搖。搖。翠。華。愁。慘。慘。玉。顏。亦。妾。
本楊家女今爲六年九不惜妾泥沙但負君恩澤人生
亮何求女子亮何益一笑百媚生謠諑紛已積光彩施
門戶寵愛隨過隙月黯溫泉流風破霓裳拍於虜長生

殿○可○嗚○半○女○夕○生○當○感○顧○盼○死○當○憶○疇○昔○

關盼盼居燕子樓

黯○黯○牀○頭○月○罪○罪○簾○額○霜○中○有○纏○綿○人○道○旁○那○得○詳○疇○
昔○張○尚○書○愛○妾○如○蘭○香○羅○衫○與○鈿○帶○顛○倒○繡○鴛○鴦○歌○舞○
歡○過○隙○零○落○憂○迷○方○淒○淒○燕○子○樓○月○黑○天○昏○黃○顧○瞻○尙○
書○墓○秋○風○吹○白○楊○從○死○玷○清○範○偷○生○剩○回○腸○紅○顏○感○恩○
義○清○淚○盈○衣○裳○寄○謝○白○舍○人○無○增○我○怛○傷○

郭紹蘭燕足書

鳳○莫○棲○枳○棘○飭○莫○墮○泥○涼○嫁○女○與○商○人○愁○思○未○云○了○商○

人嗜財賄去去湖湘道。心知競錙銖義弗敦。窈窕黃犬去應難。白雁飛何杳。長年斷消息。盛顏迫衰老。雙雙燕子飛。故故叩懷抱。緘書繫其足。黽勉同介紹。物微氣不隔。語短情可曉。感此呢喃音。訴我憂如擣。

張睽妻龜形詩

皇天限南北。邊防費用詳。黃沙莽飄飄。不辨路短長。夫婿充戍卒。際離十秋強。波無瀚海恬。雪有陰山涼。雖織機中錦。難寄塞上霜。牀月墮。夜眠鏡。塵榻晨粧繡。此龜形詩。哀鳴撼天闔。日月照幽深。乾坤納汪洋。妾亦無所

求妾亦無所妨。但願雄雌鳥。雙飛守故鄉。欸欸室家言。豈謂非典常。

薛濤賦十離

蠶蠶梧桐井豔豔琵琶門掃眉復吟詩妾樂日已新忽
銜司空命來侍元使君使君信翩翩馬橫等倫渾脫
顏有醜擲簡句惟珍謂同駢穗蘭可合難可分於塵天
降材兩美苦不因昔悅膠投漆今悲猶異薰子孤固有
數輕薄匪所云聊製十離篇庶令千載聞

玉簫重一別

寒暑相遞。嬾振古無。賸天道一以準。人事甯或遷。慘
矣。韋郎別悠悠。經七年。沉思有髣髴。佳會無團圓。朝望
韋郎來。江水鳴濺濺。暮望韋郎來。江樹啼孤猿。男兒喜
乘張。女子執靜專。焚香鸚鵡洲。百禱一不然。叮嚀著玉
環。重結來生緣。來生或支離。此憾何由捐。

函關婦題詩

寸心如番風。悲歡不可曉。昔住若耶溪。今阨函關道。良
人輕出鄉。西來氣矜矯。白馬橫鞍韉。黃金賭梨棗。春花
方旖旎。秋木歎枯槁。生爲萬夫雄。死營一棺小。人生自

有命羸紕何足討驅馳悔前非
踉蹌迫今情銘旌雨霏
霏旅店霜皓皓計程淚潺湲
拭壁字窈窕哀哉二九子
千載一縹緲

太原妓剪髻

飄飄東來風不知桃李苦峨峨歐陽生
三物浪相許念爲太原游織腰稱歌舞
秦晉忽迢迢參商致齟齬疑多動成竇
怨極不知語女子雖飄花天性尙古處
亮懷非蟲惑薄命久延佇疾疹信有端
奮飛滅無羽剪髻寄我心涕泣紛如雨

絳仙遞紅箋

朝。望。黃。門。來。暮。望。黃。門。來。欲。飛。無。鴻。鵠。欲。渡。鯨。波。猜。雙。
果。捧。君。賜。紅。箋。因。可。裁。君。賜。重。如。山。妾。懷。殷。似。雷。青。春。
苦。易。歇。桃。李。苦。易。摧。同。心。而。異。地。憂。憂。良。不。聞。不。信。腸。
中。斷。看。取。箋。上。哀。

秦娘抱新聲

嘔。啞。吁。可。聽。仇。惟。吁。可。觀。美。色。擅。新。聲。惻。惻。反。成。患。妾。
本。閨。門。女。工。此。來。絃。彈。一。彈。尙。書。樂。再。彈。列。史。歡。百。年。
庶。有。託。繁。華。忽。已。禪。清。秋。日。夜。哭。涕。淚。成。奔。滿。江。水。添。

我○愁○江○風○吹○我○寒○白○雁○與○青○猿○嘈○嘈○爲○我○酸○出○門○當○語○
誰○入○門○私○自○歎○勿○謂○知○音○稀○已○矣○妾○命○慳○

古意餘四首

浣紗女

鮮○鮮○越○女○顏○漉○漉○溪○水○波○豈○不○貧○且○賤○浣○紗○心○匪○他○溪○
居○有○荷○芰○山○居○有○薜○蘿○慎○莫○嫁○姑○蘇○但○唱○陌○上○歌○

舖麋妾

出○門○勿○爲○非○入○門○勿○爲○泣○天○寒○共○舖○麋○旣○飽○罕○羞○澁○峨○
峨○盤○梅○崇○粲○粲○綺○紈○集○富○貴○生○禍○胎○無○使○妾○嗚○咽○

如意娘

兩地多支離。兩心貴酌斟。看取石榴裙。涕痕一何深。撼撼霜吹帷。淒淒風掩衾。妾懷夫如何。徒抱石與金。

長命女

戚戚故土心。娟娟美人夢。安得呼白雲。飄然爲我送碧短。飛難憑目極。愁已貢河廣。葦可杭悲哉。名義重。